

豫

章

叢

書

第二〇册

四照堂詩集目錄

卷一

五言古三十首

七言古九首

卷二

五言律八十八首

卷三

七言律六十九首

卷四

七言絕句六十一首

四照堂詩集卷一

南昌王猷定于一著

五言古

三月晦日集子揚園卽贈并以寫懷

太邱何道廣遙情託深素卽物會所欣雜焉呈眾媿
人外選幽城于斯理恬步我愛靜者心閒開共芳樹
晚晚日將曛欵門遵竹露清悶落蕭機澹與流烟鴛
戶下水香新芳草亦相務隨意酌清言酬折自成趣
人披萬古情所悲無一週日月不易處精神嘗生懼
從此掃落花沈冥埋已具楊柳何青青扈鳥宿中霧

尾鳥一聲啼春風已非故得性遂古歡悠然竹光暮

久雨忽霽喜伯棟至仲木松庭携美人溪上酌

晚霞

天氣結古陰吹雲色惆悵望霽如望友沉默生高仰
空景忽焉閱迷情得悠增聲則鳴桑林桃花逐春漲
芳草碧遙遙光風澹飛颺迺逢尋烟人悠然策几杖
沼淥步空香布席掃花勗四囑無凡情虛明任天放
同志二三子小舟操秫釀盛之老瓦盆受爵無交讓
昭渺挾飛仙清歌答虛覓須臾天帔垂羣日赴霞上
乍起似真猶惜爲烟霞養解馭漸升華高城負奇壯

林外暨林中隱見非一狀我思世間理陰陽各殊相
當其在幽蓬風雨生窮巷一旦揚光靈百情奉豪宕
天道苟有然盈縮自相償感子意氣深冥心尊古尙
日落且啣杯彈琴復高唱文魚時一起樂我中懷暢
此夕夫何如忘情失所向

初夏同友人集士雅齋賦贈

天地飛炎風嘯旅春光去伐木正鶯時芳草碧心路
之子攀芳人稱心易成趣圖史列烟庭見聞靜花樹
結韋思何深茗柯理卽寓綠外一樽酒牢神入古宙
四海豈有隣情至泯新故燈下落枯棋清機雜然赴

四庫全書
二
燕歌妙旨存慷慨住柔吐嶽嶽京峴才風雅相與助
顓黃日以遠崎嶇歷朝暮感君神明強光華自周濩
日月有飛英喬松與馳騫聖老信繇然觀化亦可悟
觀化無端倪泠泠一鐘度

宋民部招同陳爾新太史陳元聞侍御集湖舫
卽席限五言古得十一真

碩果留天地方回萬古春草木偃霜雪晦朔肅無垠
仲冬感微陽寥寥望羣倫偉人表東海巋然天廟珍
獨扛梅子鼎神明炳若輪亦稍驅墨兵崢嶸動三辰
驅車向南紀古道多荆榛商旅競錐刀檣臚候通津

遠慮關王政細微推至仁區區一綫流仗公濟世身
譬彼泰山雨蹄涔膏澤勻賤子亦何愚釣月珠湖濱
擔簦望紫氣 屢逡巡何期公輔度梗棘歸斧薪
吳楚兩太邱風規迭主賓高談輒驚座靜理當書紳
層湖張廣筵老眼瞥一伸烟霜汎萬鳧溟濊天水隣
渺思入空濛瞬息已失真景曜匿淵谷雲雷鬱經綸
矯矯神龍姿魚服友波臣撫茲發長嘯幽懷蠹高

劉太夫人節壽詩 并序

寶應劉近思余年家兄弟也太夫人韓母而妻練
江先生先生立朝風節天下莫不聞與先君同年

立朝又同風節相愛也余至涇上登堂拜母念四十九年如昨日事而登堂不見先生欲睹兩人相與情狀不可復得惟見山時水流草升木降昔時之風景具在焉使兩先生尙在不知當何如會近思微詩壽母夫定也于母微獨闢德宜詩重以世好昔人之思與夫一俯仰間小子不述後將何聞因質言侑爵焉

貞松柏之友鳳停鸞乃鸞同類自森標匪彛表伉儷
珈笄象山河嶽柔協琴瑟坤儀溯所司延胡永年配
水流石不泐蔚鬱山有礪維我讀國史家乘旁搜記

時當神廟中蟠木有雙蒂曰子先顯考盤錯皆遠器
同升謁明堂軒冕皆瑋秘元黃門戶割清涇矢不二
誰能號東林不避豺虎噬國事漸苞稂中外蠱元氣
梁黍竊空蝗雲臺徒掩涕歸歟講席開吾道存衣帶
飲水註離騷排闥叫忠義丹鉛星斗殷山鬼拜蘿薜
至今深夜吟恍惚雷電出鹿門有做廬寒流抱冲闕
揭來剡溪船枯雪靜言對麥飯共瓦盆箕帚恒坐地
想其淵泊心猶嫌紵縞賚是時海甸寧三綱賴扶揭
乾坤歎野馬梁木正深喟滄乾烽火燃皮骨無地慙
藐姑子小子飄流離賓屬釋簞問龍門冰壑留庭砌

四照堂集一
登堂覲肅離母也仍象掃闢咳聞不聞緯恤有餘嵐
再拜欲夫聲哽咽傾倒際豁達類彭衙亂離呼兄弟
我翁譜而翁而母卽子懋振振列聞孫醴酒各相媚
艱難媿深情猶子乏甘毳日月磨銅丸鬢絲終夜織
滯瀧見乳血凜然風化視撫茲念往史典刑勤寤寐
介母肅不言霜柯歷百歲

寄懷邊城南駕部

朔風吹寒雲牖北星辰舊怡悅念故人三川把神秀
古貌碩無朋便便孝先冑兩世締深盟不啻若婚媾
昔君宰昭陽予方學雞穀涉江訪先生鐘鳴大小相

存惠及車魚族病亡顛覆及予先子沒煢煢予在疚
并凍及牀寒奉母坐冰霤君抱古人心千里辱芻醢
季也爲請恩泣向長安走維時天步艱烽火嚴斥埃
遊子日徬皇賴君時左右倏忽三十年乾坤易昏晝
蓬蒿沒層岡騶虞伏古岫關河念阻脩遐陬尙龍鬪
幽鯉戒金鷲痛哭江河漏魂魄暗山燈晦冥不知候
以茲勞夢思援琴發孤奏擔簦挈妻孥漂泊無停逗
長淮歷西東如枝掛猿狖拔劍起哀吟茫然視宇宙
咄咄隴西公軒輶適奇遘爲言布芳訊松柏知華茂
青鳥復西飛緘辭代親覲遙望碧山重仙宗隔雲竇

和韻送周櫟園先生

棘土有輿氣園樹惟啼鳥一日謗書起萬里成羈孤
感激破械出浩蕩見江湖春鴻急歸羽風勁更嘶蘆

其二

問君出幽薊君言鬼門還豈無一杯水將淚洗塵顏
分明見故舊疑夢歸鄉關夜聞戰馬嘶漠漠在陰山

其三

裁詩別咎繇儼如別故人昨夕仍秋夢曉乃知爲春
魚鑰開重局銀鐙猶照身環視四壁中劍在恥言貧

其四

牽衣渡黃河泣血曾幾時堂上懸雙旌怪雲如陣旗
生還亦既多復官將何爲誓墓未有辭幽泉心自知

其五

置身冰雪外拂袖怨仇開車下太行阪舟自瞿塘迴
唐阜脫險難衆曰夷吾才還尋侯羸車恍激登吹臺

其六

後先十餘載君初返邱園遺民半黃土白髮兩三存
晴雨或能習出處非敢論秋穫田水漬春耕燒畝翻
阮仙先生居草土以大孝稱五十壽某不敢爲

諛詞里言三章代攄承墓

天道一陳局百齡胡爲然哲人洞元化精心結大年
江河日以下生孝亶不全今日良宴會徒保壽命堅
誰云板栢號不可被管弦彭籛曾閱心千載疇獨賢

其二

六月炎風吹芒燥揚赤土言念北堂中乾螢照繩戶
旨酒豈不柔顧復邈何所斗僦如枯顛冰心自寒暑
藜藿感所生啣恤涕如雨我來拜先生樂樂河之滸

其三

河水亘長淮橫流大江去瞻彼雙棲烏亭亭在孤樹
琴瑟一以垂梧捲益深慕道福匪所求元氣自來赴

天地厚光華海濶結烟霧何者爲喬松永念良可悟
介爾無形聲悠然遠鐘度

壽許太翁七十

鬱鬱蜀岡松灤灤邗江水至人秘棲冲穆然範視履
當其事咕嗶詩書薄棟牝焚籍對古人奇勳策良耜
羨農嗟何辜而爲簪纓泮卜式椎無文入粟拜夫子
一室有好倚白雲多微旨黃山高峯我靈光囑其裏
檐簷緬昔遊高蹤勵嚴齒我讀睢陽傳翁世傳青史
時事棘以艱壯懷空撫髀秋風吹鷺雀飛羽白翟蹤
大厦迄未成相率固營壘不見鴻鵠蹤心期在萬里

元霜將戒塗日月會龍尾菌桂已零落菊芳雜紅紫
酌醴餐其英爲翁介繁祉海氣射扶桑高堂日方始

清明夕僊招遊狼山

清明天忽霽集侶狼山遊出郭紛車馬晴光滿綠疇
數里見嵯峨山遠心已周未暇辨山外一心趨上頭
須臾臨絕壁十丈峭且幽巨靈何代斧積鐵無寸柔
懸溜滴蒼崖鴉鵲聲啾啾登臨肆遐矚乾坤互綢繆
海水流下天天盡水不休遙望三吳影一抹青黛浮
把酒發長嘯軍劍如孤舟

晚步劍山至朝陽庵復還若公蘭若

策杖倏東往沿江復高阜盤躡下層崖波濤喧肘後
上有雙人峰積石蒼苔厚窮巖一戶開居然見緇叟
指點渡頭山山山落吾手歸塗穿日脚月出斷山口
下看捕魚人乘潮若飛鳥咫尺寺門深海氣到林藪
默坐觀此心鐘磬亦何有

渡軍山

一洪如弱水輕舟渡須臾積想十年山茲日始投軀
山逕寂無人長松夾路衢東折海天碧微風吹我裾
僧舍三五家冬青編門閤休沐且未暇遂訪老苾芻
開山五十年事事見古初隔圃種桃花堅壁手自鋤